

À la grand'boutique...

Justine est à caqu'ter dans un café en Jèrri, auve sén anminne Clara tchi d'meuthe en Angliètère.

Justine : Veurs-tu faithe la boutiqu'sie auve mé à ch't'arlévée?

Clara : Tch'est qu' ch'est «faithe la boutiqu'sie » ??

Justine : En Angliais, ch'est «to do shopping » !

Clara : Ah ! V'là tch'est amusant!! Oui-dgia, tchi bouonne idée! J'aime hardi faithe la boutiqu'sie ! A tchille heuthe qué tu pense?

Justine : Hmm..Dans les trais heuthe? Tch'est qu'tu'en dis ?

Clara : Y'a du bouôn ! Et où'est qu'j'allons j'nouos rencontrer?

Justine : Jé n'sis pon seûthe.... D'avant siez D' Gruchy ?

Clara : Oui, ch'est magnifique, j'té vèrrai ilà à trais heuthe. À tantôt Justine !

Justine : À tantôt Clara !

Tchiques heuthe pus tard, d'avant la grand' boutique...

Justine : Salut Clara, veurs-tu y aller ?

Clara : Salut Justine ! Oui-dgia, allons-y !

Dans la grand' boutique...

La vend'rêsse : Bouônjour. J'peux-t-i' vos aîdgi Mesdanmes?

Justine : Oui. J'sis à chèrchi eune pathe dé hauts soulièrs pouor aller à eune fête à ces sé.

La vend'rêsse : Oui, bein seux. Tchi grandeu les soulièrs?

Justine : Six, s'i' vos pliaît.... J'ai des grands pids...

La vend'rêsse : hmm...Viyons...j'ai ches bliues sandales ou ches bliancs soulièrs... Lestchés qu'ous aimez l'mus ?

Justine : hmm... jé n'sai pon... l'n'sont pon trop d'man goût et pis, pouor aller danser à eune fête, j'ai bésouain dé tchique chose d'aut'!

La vend'rêsse : Ah... p't'êt' qu'ou préfèthez chutte pathe dé soulièrs à hauts talons? J'en ai des nièrs ou des vèrts.

Justine : Ah oui, ches'-chîn, j'les aime bein !

La vend'rêsse : Mangnifique ! Lestchés qu'ou préfêthez ? Les nièrs ou les vèrts?

Justine : J'aime bein les nièrs. Tch'est qu'tu'en pense Clara ?

Clara : hmm...J'aime mus les vèrts, mé ! Mais ch'est té tchi t'en vas les porter. M'n avis n'est pon împortant !

La vend'rêsse : Voul'-ous vouos caûchi pouor vaie?

Justine : Oui, j'veurs bein...

Justine s'caûche auve les soulièrs.

Clara : Mangnifiques!

Justine : hmm... mais i' sont trop êtraits! Av'-ous des pus grands soulièrs?

La vend'rêsse : Pus grand??? Nannîn ! j'ai r'gret mais j'n'en ai pon pus grands !! Ou n'êtes seûthemement pon Cinderella... Ous avez des hardi grands pids!

Justine : Mé ?? Des hardi grands pids ? Pèrsonne né m'a janmais dit ch'na! Tchille affrontée! Veins Clara, j'nos' n'allons! Allons vaie chein tch'il'ont à l'aut' grand'boutique...siez Vouaîsin !

Chouaîsissez la réponse:

- 1. Faithe la boutiqu'sie veurt dithe "to do shopping"?**
 - a. Vrai
 - b. Faux
 - c. Nou n'sait pon.

- 2. Clara aime hardi faithe la boutiqu'sie.**
 - a. Nânnîn
 - b. Oui
 - c. Nou n'sait pon.

- 3. Tch'est qu'ouille est à boutitchi Justine?**
 - a. Eune cotelle
 - b. Des drâses
 - c. Eune pathe dé soulièrs

- 4. Oû'est qu'les fil'yes décident d'aller ?**
 - a. Siez Vouaîsins
 - b. Siez Dé Gruchy
 - c. En lîngne, siez Amazon?

5. Tchi couleu qu'ouille aime mus?

- a. Lé bianc
- b. Lé vèrt
- c. Lé nièr

6. Clara caûche-t-alle des soulièrs étout dans la grand'boutique?

- a. Oui
- b. Nannîn
- c. Nou n'sait pon

7. Ch'est-i'qu'la grandeu des soulièrs est bein?

- a. Nannîn
- b. Oui
- c. Oui, mais ou n'les aime pon.

8. Tch'est qu' Justine décide dé faithe?

- a. Oulle acate les soulièrs viyant qu'ou les aime bein.
- b. Ou dit « mèrcie, ous êtes bein naïce ! » à la vend'rêsse.
- c. Ou n'acate rein et ou va dans eune aut' grand' boutique.